

## Белни боғлаш мавсуми



17:08 / 08.06.2018 3361

Мана, Рамазон ойининг раҳмат, мағфират даҳаларидан ўтиб, дўзахдан озод бўлиш даҳаси бўлмиш учинчи ўн кунлиги ҳам кириб келди. Шунинг учун аввало ўзимизга, сўнгра сиз азизларга бир эслатма қилишга жазм этдик.

Расулуллоҳ соллаллоҳу алайҳи васаллам одатий кунларда ҳам кўп ибодат қилувчи зот эдилар: кўп намоз ўқирдилар, кўп Қуръон ўқирдилар, кўп зикр, тафаккур ва дуо қилар эдилар. Рамазон ойида эса айниқса. Барча гўзал ахлоқларни ўзида жамлаган зот бу ойда хайрли амалларни чандон кўпайтирас эдилар. Ҳатто Рамазонда сахийликда эсган шамолдан ҳам сахийроқ бўлганлари бизга маълум. Охирги ўн кунликда ҳам ибодатларни янада кўпайтирас эдилар. Хусусан, эътикоф ўтирас эдилар, кечаларни ибодат-ла бедор ўтказар эдилар, аҳилларини ҳам фурсатни ғанимат билишга чақирадилар.

Биз ҳам у зот алайҳиссаломга эргашиб белни маҳкам боғлайдиган мавсум келмоқда. Келинглар, бу кунларда кўпроқ намоз ўқиб, Қуръон ўқиб, зикр қилиб, дуо қилиб, қудратимиз етганча эзгу ишлар қилайлик. Кимда имкон бўлса эътикоф ўтирсин, кимда имкон бўлса хатми Қуръон қилсин, қодир бўлганча хайр-эҳсон қилайлик, бутун умматни дуо қилайлик...

Бу даҳадаги йилнинг энг афзал кечаси бўлмиш Қадр кечасини муносиб ўтказайлик. Маълумки, бу кеча минг ойдан афзалдир. Демак, уни ибодат билан ўтказсак, минг ойда қилинган нафл ибодатдан афзал ибодатни қилган бўламиз. Бу кечани тўртта улфатимиз билан ўтириб зиёфат устида,

бекінде гап-сұзлар билан ўтказиб юбормаслигимиз керак...

Аллох таоло умримизни Рамазон, Қиёматни биз учун ийд қылсан!